

VIDEODÁIDDA GOMUVUOĐAORUGIS

VIDEO PLÁNEN:

Veahkkeneavvut ja materiálat:

- Govvagiehtačálusvuodđu ja peannat/bliánttat
- Lupma- dahje gállolámpá čuvgehusa geahččaleapmái
- Silkebáhpírat dahje asehis gággásat čuovgga ivdnemii
- Čuojanasat, mat gávdnojit skuvllas, ovdn. gitárra

Video guhkkodat oanehis, sullii okta minuhtta (1 min). Videos vuodjubehtet alccedet vuogas mielladili hábmemii. Ná ovdánehpet:

1. Ráhkadehpet govvagiehtačállosa, nappo čállet ja sárgot báhpárii govvádusa das mo video ovdána. Mii dáhpáhuvvá ja man buohta gokko? Man guhkes bihtáid govvebehtet? Makkár geahččan guovlluid govvebehtet? Makkár govvasturrodagat? Makkár čuovga guđege videobihtás lea? Makkár jienat?
2. Hutket videoi nama.
3. Smihttet makkár dovddu dahje miellagova háliidehpet videoi. Smihttet maddái makkár dáhpáhusaid háliidehpet videoi. Sáhttibehtet hábmet olles máidnasa mas leat álgu, gaskaoassi ja loahpa.
4. Mearridehpet makkár lávdehábmén, čuovggat ja jietnamáilbmii veahkehivččii hukset dan miellagova dahje dovddu maid háliidehpet ovdanbuktit.

Sáhttibehtet hábmet video jietnamáilmmi earálágan jienain maid sáhtta ieš dahkat. Nugo huradeapmi, giedaid oktii doaškumin dahje ruvemin, njurgumin, suorpmaid spoahkuhemiin dahje dearpamin giedain raddái ja nu ain. Sáhttibehtet maid ávkkástallat skuvlačuojanasaid. Jo ovttain čuojanasain oažžu iešguđet lágan jienaid áigái. Ovdamearkka dihte gitárain sáhtta ráhkadit jiena sreangga lassin dearpamin muorraosiide suorbmagežiiguin dahje olles giedain. Maddái sreanggaid alde sáhtta lihkahallat gieda ovddos manás seammás go deaddá sreanggaid muora vuostá. Jietnamáilmmi sáhtta ráhkadit maddái nu, ahte govvejeaddji

multala videoi juoidá. Govvejeaddji jietna gullo buoremusat videos go son lea lagamusas govvenáhparáhtta.

LÁVDEHÁBMEMA PLÁNEN JA HUKSEN:

Veahkkeneavvut ja materiálat:

- Sevdnjes gággásat dahje stuorra assás báhpirat
- Silbateaipa dahje magneahttat mainna gidde duogáža seaidnái dahje távvalii
- Ivdnes assás báberbihtát main sáhtta duddjot planehta, násttiid ja eará elemeanttaid
- Tušša dahjege assás filtapeanna
- Skierat
- Liimma (jus gomuvuođa vuodđun lea assás bábir) dahje rievnnut (jus vuodđun lea gákkis dahjege liidni)
- Siibma dahje árpu, jus háliidehpet planehtaid henget nu, ahte dain šaddá golbmaollil

Ovdánehpet ná:

1. Gomuvuođa ráhkadeapmái dárbbášehpet duogášmateriálan sevdnjes gággása dahje stuorra assás báhpira. Hálešehpet bagadallin makkár iešvuođat gomuvuođas leat ja smiehttabehtet makkár almmigáhppálagaidd háliidehpet oidnot duogábeallái.
2. Šiehttabehtet háliidehpetgo giddet lávdeelemeanttaid assás báhpárii vai gággásii. Vai háliidehpetgo henget daid dákis sierra allodahkii ja dakkár gaskkaide, ahte ollisvuođas šaddá golbmaollil.
3. Sáhttibehtet assás báhpárii ja planehtaide sárgut tuššaiguin lasi detáljaid.

FUOBMÁ! Huksebehtet lávdehábmema nu, ahte daid gierdá lihkahallat!

VIDEOBARGU:

Veahkkeneavvut ja materiálat:

- Gárvves giehtačállosat govaide
- Lávdehábmén ja čuovga din joavkku plána mielde
- Govvenáhparahtán heive fiehttotelefovna kamera dahje tableahtta dahje iPad
- Video editerema várás dihtorat, main leat editeremii heivvolaš prográmmat, ovdamearkka dihte iMovie dahje Microsoft Photos

Ovdánehpet ná:

1. Dahket joavkkus bargujuogu. Dii dárbbášehpet unnimusat ovtta guhte lihkahallá gomuvuođaoruha, ovtta govvejeaddji, guhte sáhtá dárbbu mielde doaibmat muitaleaddjin. Lea buorre jus joavkkus lea maid sierra jietnaeffeavttaid ja čuovggaid hálddašeaddjit. Okta sáhtášii vel doaibmat bagadallin. Son fuolaha, ahte loahppabođus lea dakkár go háliiduvvo.
2. Ovdánehpet giehtačállosa mielde. Veahkkejurdagat:
 - Ovdal govvema, galgabehtet govvenbáikkis álot jaskkodat vai govvenboddu šaddá ráfálaš.
 - Govvebehtet vealugovaid, ii ceakkogovaid.
 - Sihkkarastibehtet, ahte govvejeaddji suorpmat eai leat govvenáhparahtá linssa dahje mikrofovna ovddas.
 - Buvttadehpet daid jienaid mat galget videoi, doarvái lahka dan mikrofovna mii govve.
 - Govvebehtet buot videobihtáid sihkkarvuoda dihte mángii.
3. Nammadehpet videobihtáid nummariid ja veršuvnnaid mielde (ovdm. bihtá 3, veršuvdna 2 nammaduvvo 03V2).

Jus editerenassi ii ollašuhthuvvo, mearridehpet makkár bihtáin šaddá loahpalaš video, mas guhkodat sullii okta minuhta. Jus vejolaš, nammadehpet bihtáid vel oktii nummariiguin vai máhttibehtet geahčat ja čájehit daid rivttes ordnegis. Sáddebehtet välljejuvvon videobihtáid rakeahttarieggá bagadallái dahje vurkebehtet daid oktasáš balvabálvalusa máhppii (ovdm. Google Drive).

Jus ollašuhhtibehtet editerenosi, sáddebehtet dahje sirdibehtet válljejuvvon videobihtáid dihtorii juogo šleađgapoastta dahje balvabálvalusa (ovdm. Google Drive) bokte. Editerebehtet video sullii ovtta minuhta guhkkosažžan, nammadehpet dan ja sáddebehtet dan rakeahttarieggá bagadallái.